

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
GRAD SARAJEVO  
OPĆINA NOVI GRAD SARAJEVO  
OPĆINSKI NAČELNIK

**Pravilnik o izmjenama i dopunama Pravilnika o stipendiranju učenika i  
studenata sportista sa područja Općine Novi Grad Sarajevo**

**Sarajevo, juni 2019.**

Na osnovu člana 15. Zakona o principima lokalne samouprave („Službene novine Federacije BiH“, broj: 49/06 i 51/09), člana 81. Statuta Općine Novi Grad Sarajevo („Službene novine Kantona Sarajevo“, broj: 30/09 i broj 2/17), člana 9. Odluke o organizaciji jedinstvenog općinskog organa uprave Općine Novi Grad Sarajevo („Službene novine Kantona Sarajevo“, broj 6/17) i člana 9. Odluke o stipendiranju učenika i studenata sportista sa područja Općine Novi Grad Sarajevo („Službene novine Kantona Sarajevo“ broj 44/15), na prijedlog Službe za obrazovanje, kulturu i sport, Općinski načelnik d o n o s i:

**Pravilnik o izmjenama i dopunama Pravilnika  
o stipendiranju učenika i studenata sportista sa područja  
Općine Novi Grad Sarajevo**

U Pravilniku o stipendiranju učenika i studenata sportista sa područja Općine Novi Grad Sarajevo broj 02/06-14-11811/18 od 12.06.2018. godine (u daljem tekstu: Pravilnik), vrše se izmjene i dopune kako slijedi:

**Član 1.**

Član 5. stav (3) Pravilnika se mijenja i glasi:

„(3) Vrednovanje rezultata vrši se tako što se boduje najbolji aktuelni (posljednji) rezultat takmičara. Ukoliko je takmičar postigao više rezultata na jednom takmičenju bodovat će se samo jedan najbolji rezultat.

Za takmičenja koja se realizuju na državnom nivou, bodovat će se rezultat ostvaren na državnom prvenstvu koje prema očitovanju matičnog sportskog saveza ima status krovnog prvenstva.“

**Član 2.**

Član 5. stav (11) Pravilnika se mijenja i glasi:

„(11) Potvrda od Ministarstva kulture i sporta Kantona Sarajevo (za tekuću godinu) da je takmičar perspektivni sportista boduje se sa 10 bodova (potvrda od Saveza).“

**Član 3.**

(1) Ove izmjene Pravilnika čine sastavni dio Pravilnika o stipendiranju učenika i studenata sportista sa područja Općine Novi Grad Sarajevo, koji u ostalim dijelovima ostaje neizmjenjen.

**Član 4.**

(1) Ovaj Pravilnik stupa na snagu danom potpisivanja od strane Općinskog načelnika.

Broj: 02/06-14-11811/18 -I  
Sarajevo, 11.06.2019. godine



## Obrazloženje

### **Pravni osnov:**

Zakon o principima lokalne samouprave („Službene novine Federacije BiH“, broj: 49/06 i 51/09)  
Statut Općine Novi Grad Sarajevo («Službene novine Kantona Sarajevo», broj: 30/09 i broj 2/17)  
Odluka o organizaciji jedinstvenog općinskog organa uprave Općine Novi Grad Sarajevo („Službene novine Kantona Sarajevo“, broj 6/17)  
Odluka o stipendiranju učenika i studenata sportista sa područja Općine Novi Grad Sarajevo („Službene novine Kantona Sarajevo“ broj 44/15)

### **Razlozi za donošenje:**

Komisija za sport, kulturu i tjelesni odgoj pri Općinskom vijeću Općine Novi Grad Sarajevo je aktom broj: 01-02-12514/19 od 06.06.2019. godine uputila Prijedlog Službi za obrazovanje, kulturu i sport za izmjene Pravilnika o stipendiranju učenika i studenata sportista sa područja Općine Novi Grad Sarajevo broj 02/06-14-11811/18 od 12.06.2018. godine.

Izmjenama i dopunama Pravilnika mijenja se stav (3) člana 11. Pravilnika na način da se isti dopunjava tako da se na takmičenjima koja se realizuju na državnom nivou boduje rezultat ostvaren na državnom prvenstvu koje prema očitovanju matičnog sportskog saveza ima status krovnog prvenstva. Stav (3) člana 11. Pravilnika mijenja se u dijelu koji se odnosi na bodovanje Uvjerjenja kojim se dokazuje status perspektivnog sportiste tako da umjesto „5 bodova“ stoji „10 bodova“. Navedenim izmjenama pruža se veća mogućnost perspektivnim sportistima sa područja Općine da ostvare pravo na sportsku stipendiju.

### **Finansijska sredstva:**

Izmjene i dopune ovog Pravilnika ne zahtijevaju dodatna finansijska sredstva iz Budžeta Općine Novi Grad Sarajevo.

196

Na osnovu člana 15. Zakona o principima lokalne samouprave („Službene novine Federacije BiH“, broj: 49/06 i 51/09), člana 81. Statuta Općine Novi Grad Sarajevo („Službene novine Kantona Sarajevo“, broj: 30/09 - novi prečišćeni tekst i broj 2/17), člana 9. Odluke o organizaciji jedinstvenog općinskog organa uprave Općine Novi Grad Sarajevo („Službene novine Kantona Sarajevo“, broj 6/17) i člana 9. Odluke o stipendiranju učenika i studenata sportista sa područja Općine Novi Grad Sarajevo, broj: 01-02-24420/15 od 30.10.2015. godine, na prijedlog Službe za obrazovanje, kulturu i sport broj 02/06-05-11811/18 od 08.06.2018. godine, Općinski načelnik d o n o s i:

## **P R A V I L N I K**

### **o stipendiranju učenika i studenata sportista sa područja Općine Novi Grad Sarajevo**

#### **I OSNOVNE ODREDBE**

##### **Član 1.**

(1) Ovim Pravilnikom utvrđuju se osnove, način i kriteriji stipendiranja učenika i studenata sportista koji učestvuju na domaćim i međunarodnim takmičenjima, a imaju prebivalište na području Općine Novi Grad Sarajevo (u daljem tekstu Općina) u kontinuitetu od najmanje godinu dana.

##### **Član 2.**

(1) Sredstva za stipendiranje učenika i studenata sportista koji učestvuju na domaćim i međunarodnim takmičenjima (u daljem tekstu učenici/studenti sportisti) obezbjeđuju se u Budžetu Općine.

##### **Član 3.**

(1) Dodjela stipendije se vrši na osnovu rezultata završene takmičarske sezone u godini za koju se dodjeljuju stipendije iz namjenski obezbjeđenih budžetskih sredstava, a po strukturi kako slijedi:

- cca 60 % od ukupnih sredstava za individualne sportove
- cca 40 % od ukupnih sredstava za kolektivne/timske sportove

(2) Prilikom razmatranja ostvarenih rezultata neće se uzimati u obzir rezultati polu sezone i prethodnih sezona.

(3) U slučaju manjeg broja prijavljenih kandidata i kandidata koji ne ispunjavaju uslove konkursa iz kolektivnih sportova ili individualnih sportova, sredstva će se dodjeljivati proporcionalno na ostale prijavljene kandidate koji ispunjavaju kriterije konkursa, po strukturi utvrđenoj stavom (1) ovog člana.

#### **II KONKURS**

##### **Član 4.**

(1) Izbor kandidata za stipendiranje se vrši na osnovu kriterija utvrđenih ovim Pravilnika, a po konkursu koji se objavljuje u jednim dnevnim novinama, oglasnoj ploči i web stranici Općine Novi Grad Sarajevo.

(2) Nadležna Služba za obrazovanje, kulturu i sport raspisuje konkurs, koji sadrži:

- opće uslove i kriterije za dodjelu stipendije,
- popis dokumenata koje je potrebno priložiti uz prijavu,
- naziv i adresu tijela kojem se prijave podnose,
- vrijeme trajanja konkursa,
- način prigovora po objavljenim rezultatima,
- druge potrebne podatke od značaja za uredno provođenje konkursa.

 19-06-2018

### III PRAVO UČEŠĆA NA KONKURSU

#### Član 4.

(1) Pravo učešća na konkurs za dodjelu stipendija ima učenik/student sportista koji ispunjava sljedeće opće uslove:

- da je državljanin BiH,
- da ima prebivalište na području Općine najmanje godinu dana,
- da je redovan (vandredan) učenik/student (potvrda od javnih ustanova srednjih škola/javnih visokoškolskih ustanova),
- da ima navršениh četrnaest (14) godina, osim u slučaju gimnastike gdje je donja dobna granica šest (6) godina,
- da je takmičar u kontinuitetu najmanje tri godine i takmičar kluba koji je prijavljen u sportskom savezu (potvrda Sportskog saveza BiH).

(2) Pravo učešća na konkurs za dodjelu stipendija ima učenik/student sportista do navršene 26 godine života.

(3) Pravo na dodjelu stipendije nema učenik/student koji prima stipendiju po drugom osnovu iz Budžeta Općine Novi Grad Sarajevo.

### IV IZBOR KANDIDATA

#### Član 5.

(1) Izbor kandidata se vrši na osnovu kriterija utvrđenih ovim Pravilnikom, a na osnovu ostvarenih rezultata u pojedinačnoj i ekipnoj konkurenciji na državnim prvenstvima i međunarodnim takmičenjima priznatim od svjetskih i evropskih federacija. Aktuelni rezultati se vrednuju kako slijedi:

- 1) za osvojeno 1., 2. i 3. mjesto na Olimpijskim i Paraolimpijskim igrama, svjetskim prvenstvima i kupovima, evropskim prvenstvima i kupovima, Evropskim i Mediteranskim igrama, Balkanijadi, Državnom prvenstvu i Univerzijadi,
- 2) za ostvareno najmanje četvrt finale na olimpijskom i priznatim paraolimpijskim igrama, svjetskim prvenstvima i kupovima, evropskim prvenstvima i kupovima,
- 3) Za učešće na Olimpijskim i Paraolimpijskim igrama,
- 4) za osvojeno 1., 2. i 3. mjesto na Federalnom prvenstvu i Kantonalnom prvenstvu za ekipna takmičenja,

(2) Rezultati se vrednuju prema sljedećoj BODOVNOJ TABLICI:

| Naziv sportskog takmičenja                    | POJEDINAČNA TAKMIČENJA |           |            |               | EKIPNA TAKMIČENJA |           |            |               |
|-----------------------------------------------|------------------------|-----------|------------|---------------|-------------------|-----------|------------|---------------|
|                                               | I mjesto               | II mjesto | III mjesto | četvrt finale | I mjesto          | II mjesto | III mjesto | četvrt finale |
| Olimpijske i Paraolimpijske igre              | 100                    | 90        | 80         | 50            | 100               | 90        | 80         | 50            |
| Učešće na Olimpijskim/ Paraolimpijskim igrama | 30                     |           |            |               | 30                |           |            |               |
| Svjetsko prvenstvo i Svjetski kup             | 100                    | 90        | 80         | 50            | 100               | 90        | 80         | 50            |
| Evropsko prvenstvo i Evropski kup             | 100                    | 90        | 80         | 50            | 100               | 90        | 80         | 50            |

|                                    |     |    |    |    |     |    |    |    |
|------------------------------------|-----|----|----|----|-----|----|----|----|
| Evropske igre                      | 100 | 90 | 80 | 50 | 100 | 90 | 80 | 50 |
| Mediterranske igre                 | 60  | 50 | 40 | -  | 60  | 50 | 40 | -  |
| Balkansko prvenstvo i Univerzijada | 50  | 40 | 30 | -  | 50  | 40 | 30 | -  |
| Državno prvenstvo                  | 30  | 20 | 15 | -  | 30  | 20 | 15 | -  |
| Federalno prvenstvo                | -   | -  | -  | -  | 20  | 10 | 5  | -  |
| Kantonalno prvenstvo               | -   | -  | -  | -  | 10  | 5  | 3  | -  |

(3) Vrednovanje rezultata vrši se tako što se boduje najbolji aktuelni (posljednji) rezultat takmičara. Ukoliko je takmičar postigao više rezultata na jednom takmičenju bodovat će se samo jedan najbolji rezultat.

(4) Ukoliko dva kandidata imaju isti broj bodova nakon bodovanja najboljeg aktuelnog rezultata rangiranje se vrši na osnovu drugog postignutog rezultata, sve dok se ne utvrdi razlika u bodovima.

(5) Ukoliko dva kandidata nakon svih bodovanja imaju isti broj bodova prednost će imati aplikant koji ima najviše nastupa na zvaničnim utakmicama (potvrda od Saveza).

(6) Takmičarima iz strukovnih saveza koji nemaju jedinstvenu međunarodnu federaciju, broj bodova za plasmane na međunarodnim takmičenjima umanjuje se za 30%.

(7) Rezultati u neolimpijskim sportovima vrednuju se sa 20% bodova manje u odnosu na olimpijske sportove. (Potvrdu o članstvu u Olimpijskom komitetu BiH pribavlja služba za tekuću godinu)

(8) Za takmičare iz jednog sporta može biti dodijeljeno najviše 30% sredstava namijenjenih za stipendije.

(9) Ukupan zbir bodova za dobijanje stipendije je najmanje 30 bodova.

(10) Takmičar koji ima najmanje tri zvanična nastupa u juniorskoj, kadetskoj i seniorskoj kategoriji (uključuje i paraolimpijce) na reprezentativnom nivou u timskim sportovima boduje se sa 10 bodova,

(11) Potvrda od Ministarstva kulture i sporta Kantona Sarajevo (za tekuću godinu) da je takmičar perspektivni sportista boduje se sa 5 bodova (potvrda od Saveza).

## V POSTUPAK DODJELE STIPENDIJA

### Član 6.

(1) Za provođenje konkursne procedure Općinski načelnik formira Komisiju za izbor kandidata za dodjelu sportskih stipendije koju čini pet članova i to: tri člana uposlenika Općine i dva vijećnika iz Općinskog vijeća.

Zadaci Komisije su: pregled prispjelih prijava i dokumentacije, utvrđivanje rang liste po objavljenom konkursu za dodjelu stipendija učenicima i studentima sportistima sa područja Općine, a na osnovu utvrđenih kriterija iz člana 5. ovog pravilnika.

(2) Komisija Utvrđenu rang listu dostavlja Općinskom načelniku. Na prijedlog Komisije Općinski načelnik verifikuje utvrđenu rang listu.

(3) Konačna rang lista kandidata koji su ostvarili pravo na dodjelu sportske stipendije se objavljuje na Oglasnoj ploči i web stranici Općine.

(4) Svaki učesnik u konkursu može u roku 8 dana od objavljivanja rang liste podnijeti prigovor za zaštitu prava Općinskom načelniku koji donosi konačnu odluku po prigovoru.

## Član 7.

(1) Sa izabranim kandidatom Općinski načelnik sklapa ugovor o dodjeli stipendije kojim se regulišu međusobna prava i obaveze. Ukoliko je korisnik stipendije maloljetan, u njegovo ime ugovor sklapa zakonski zastupnik (roditelj ili staratelj) uz supotpis maloljetnog korisnika stipendije.

(2) Ugovor o dodjeli sportske stipendije sadrži: ime i prezime učenika – studenta sportiste, ime i prezime roditelja – staratelja i njegovu adresu, naziv škole (visokoškolske ustanove), naziv sportske discipline i način isplate.

(3) Ugovorna obaveza učenika – studenta sportiste je da se volonterski angažuje na poziv Općine u projektima od javnog značaja za lokalnu zajednicu.

## VI PRAVA I OBAVEZE KORISNIKA I DAVAOCA STIPENDIJE

### Član 8.

(1) Stipendija se dodjeljuje za jednu školsku/takmičarsku godinu, a isplaćivat će se 10 mjeseci u iznosu do 100, 00 KM mjesečno, iz namjenski obezbijedenih budžetskih sredstava Općine.

(2) U zavisnosti od broja kandidata koji ispunjavaju uslove visina stipendije može varirati u odnosu na iznos utvrđen stavom 1. ovog člana, i to tako da bude utvrđena manja visina stipendije proporcionalno broju kandidata koji ispunjavaju uslove.

### Član 9.

(1) Učeniku – studentu sportisti koji je potpisnik ugovora o stipendiranju će biti obustavljenja dalja isplata stipendija i ugovor će biti raskinut ako:

1) učesnik sportista ili student sportista napusti školovanje,

2) promijeni mjesto prebivališta

3) ukoliko se utvrdi da učenik – student sportista koristi stipendiju po nekom drugom osnovu iz budžeta Općine Novi Grad Sarajevo. U ovom slučaju učenik – student sportista je dužan izvršiti povrat do tada primljenih sredstava od Općine Novi Grad Sarajevo u roku od 30 dana od dana raskida ugovora.

## VII PRELAZNE I ZAVRŠNE ODREDBE

### Član 10.

(1) Terminološka upotreba muškog ili ženskog gramatičnog roda u Pravilniku podrazumijeva uključivanje oba spola.


### Član 11.

(1) Stupanjem na snagu ovog Pravilnika prestaje da važi Pravilnik o stipendiranju učenika i studenata sportista sa područja Općine Novi Grad Sarajevo broj 02/06-05-539/16 od 06.01.2016. godine i Pravilnik o izmjenama i dopunama Pravilnika broj 02/06-14-11463/17 od 02.08.2017. godine.

### Član 12.

(1) Ovaj Pravilnik stupa na snagu objavljivanjem na Oglasnoj ploči Općine Novi Grad Sarajevo.

Broj: 02/06-14-11811/18  
Sarajevo, 12.06.2018



[Redacted signature]